



Kulturdepartementet

Vår referanse:  
12/703/15/941/KUL/MEHH

Arkivkode:  
FE-233

Dykkar referanse:

Dato:  
02.03.2015

## **RAPPORT FOR DEN KULTURELLE SPASERSTOKKEN 2014**

### **Rapport for bruk av midlar i 2014 tildelt frå den kulturelle spaserstokken i 2013**

Både konsertar, formidling og medverknad til musikk har vore populært blant bebuarane på Samnangerheimen. Det visar seg å vera spesielt kjekt når dei kan synga med på kjente songar. Samstundes har også meir nyskapande prosjekt skapa interesse. Lisa Nøttseter sitt danseprosjekt *Denne stunden* er eit døme på dette. Bebuarar på heimen og dagsenterbrukarane er dei som har vanskelegast for å oppsøka kulturtilbod på eiga hand, og vert difor høgast prioritert ut frå målgruppa. Hausten 2014 har Samnangerheimen vore i ein spesiell situasjon ettersom delar av den skal rivast, og byggast på nytt. Halvparten av pasientane bur i Samnanger kommune, mens den andre halvparten er flytta til sjukeheimen i nabokommunen Vaksdal. Mesteparten av aktivitetane har difor vorte utført i løpet av vårhalvåret. Det vert også lagt vekt på at alle aldrar i målgruppa 55+ skal kunna nytta kulturtilboda Samnanger kommune arrangerar gjennom Den kulturelle spaserstokken. I 2013 vart Samnanger Pensjonistlag støtta med midlar til underholdning for sine opne møter. Tildelinga dekkja møta fram til juni 2014. For hausthalvåret var det planlagt open konsert med "Solrenning", men den måtte utsetjast.



Konserten *Solrenning* i kyrkja på Ådland.

**"Syng med oss" på Samnangerheimen, vårhalvåret 2014** **kr 14 307**  
*Syng med oss* varar i ein skuletime, kvar måndag, på Samnangerheimen med musikkpedagog Anne-Lise Nesteby Tøsse. Her kjem både bebuarar og dagsenterbrukarar saman til aktiv medverknad i song og dans. Tilbodet er spesielt viktig for demente, som i denne stunda uttrykkjer gjenkjenningas glede. Det er viktig at Syng med oss kan eksistera som eit fast tilbod. Utan midlar frå DKSS kan ikkje tilbodet halda fram.

**"Denne stunden" på Samnangerheimen, vårhalvåret** **kr 2 050**  
*Denne stunden* er eit danseprosjekt for eldre på sjuke- og aldersheim. Prosjektet er laga av-og med dansekunstnar Lisa Nøttseter, for Den Kulturelle Spaserstokken. Prosjektet er utvikla i samarbeid med Bergen Dansesenter og Søreide sykehjem ved aktivtør Solfrid Næss. *Denne stunden* er korte improviserte førestillingar som vert skapt i møtet mellom dansar og bebuarar. Nøttseter, med sine bevegelsar og si utforsking av rommet og menneska ho møter, er motoren i førestillinga. Det nyskapande danseprosjektet til Nøttseter vart godt tatt i mot av bebuarane. Gjennom dansen og bevegelsane – og ein til ein kontakten med bebuarane - skapa ho både nysgjerrigheit, latter og utspel til ulike følelsar.

**"Då sjøen var vegen" på Samnangerheimen, vårhalvåret** **kr 2 901**  
Framsyning av biletspelet "Då sjøen var vegen" ved Oddvar Soldal frå Hardanger Fartøyvernssenter. Biletspelet fortel om den store omveltinga frå sjø til land, sett gjennom augo til Gunnvald Wallevik (f.1923). Han var rundt 80 år då opptaka var gjort. Mykje av bileta er teke av far til Gunnvald, fotografen Anders P. Wallevik, som fotografera mest frå 1905-1940. Etter framsyninga vart det samtalar me dei eldre der minne frå ferdsla på sjøen kom fram.

Arrangementet er del av ein turne gjennom *Kultur for eldre*: eit samarbeid mellom kommunane Fusa, Samnanger, Kvam og Os. Total kostnad er kr 11 606,-/inkl. tilskot frå Hordaland fylkeskommune på kr 8 000. Kr 2 901 er Samnanger sin del av utgiftene.

**"Så lenge skuta kan gå" på Samnangerheimen, vårhalvåret** **kr 8 548**  
Konserten "Så lenge skuta kan gå" er i utgangspunktet laga for dei eldre under den årlege musikkfestivalen Hardingtonar i Norheimsund. Konserten gjenspeglar dyktige musikarar og talentfulle born og ungdomar i eit flott samspel. Musikarane tek det eldre publikumet med seg på ei reise attende i tid kor dei kan kjenne seg att i musikken og tekstane, og kan framkalla bortgøymte minner. Repertoiret er songar som dei eldre kjenner godt.

Arrangementet er del av ein turne gjennom *Kultur for eldre*: eit samarbeid mellom kommunane Fusa, Samnanger, Kvam og Os. Total kostnad er kr 34 193,-/inkl. tilskot frå Hordaland fylkeskommune på kr10 000. Kr 8 548 er Samnanger sin del av utgiftene.

**"Trommesirkel" med Lars Kolstad** **kr 4 558**  
Trommelars samla deltakarane (ca 10) rundt ei mengde trommer. Alle var involvert i spelninga på sin måte. Lars var oppteken av å få augekontakt med kvar og ein, og klarte på den korte tida å læra namna til alle. Han veksla mellom at alle spela ilag og at alle fekk prøva seg åleine. Det var meininga at Lars skulle ha Trommesirkel med både bebuarane på Vaksdal og i Samnanger, same dag. Dessverre vart det kun bebuarane på Vaksdal som fekk tilbodet ettersom ein uventa situasjon gjorde til at det ikkje var høve til å ta imot han i Samnanger.

**Syng med, trø dansen, sving deg i valsen**

**kr 1 300**

Kulturformidlar Eva-Marie S. Toppe frå Folkeakademiet i Hordaland besøka Samnangerheimen med programmet *Syng med, trø dansen, sving deg i valsen*. Her nytta ho blant anna folkesong, fele, piano og gitar. I løpet av hausten 2013 besøka Toppe Samnangerheimen ved to anledningar. Toppe vert svært godt motteken av tilskodarane som stemmer i med dei kjende tonane.

**"Syng med oss" i Samnanger og Vaksdal, hausthalvåret 2014**

**kr 12 829**

For at både pasientane i Samnanger og Vaksdal har skulla få gleda av *Syng med oss*, vart det laga ein rullerande turnus fordelt på Hagakyrkja og Hamnahaugen i Samnanger, og Vaksdal sjukeheim. Kvar plass har fått ein time kvar tredje veke.

---

**Til saman**


**kr 46 493**

**Til rådigheit 2014/Tilskot frå Kulturdepartementet 2013**

**kr 28 000**

Med helsing

  
Arnved Söldal Lund  
kultursjef

  
Meline Heimdal Haugland  
kulturkonsulent



Dansekunstnaren Lisa Nøttseter med *Denne stunden*

Kopi til:  
Hordaland fylkeskommune